



**USAID**  
OD AMERIČKOG NARODA

## Znate li dječaka Dejana iz Dervente kod Milića?

### “Fond za podršku u razvoju biznisa marginaliziranim grupama žena”



Naziv projekta: Fond za podršku u razvoju biznisa marginaliziranih grupa žena

Trajanje projekta: 1. 10. 2016. - 28. 10. 2017.

Finansiranje: 680.000 KM

Projekt je implementiran u: Zvorniku, Livnu, Kalinoviku, Visokom, Rudom, Tešnju, Tesliću, Konjicu i Prijedoru

*Sažetak projekta: USAID-ov Program podrške marginaliziranim grupama u saradnji sa 9 jedinica lokalne samouprave pruža podršku u razvoju biznisa marginaliziranih grupa žena.*

*Podrška je namijenjena malim i srednjim biznisima kojim upravljaju žene sa invaliditetom, majke djece sa invaliditetom, žene iz ruralnih područja, žene žrtve nasilja, mlade nezaposlene žene...*

Dejan je dječak koji živi i odrasta u Derventi, u blizini Milića. Kao i svim dječacima i njemu je fudbal jedna od najvećih strasti, a sanja da jednog dana brani boje Partizana. Dejan želi biti u klubu najboljih, zbog čega u Fudbalskom klubu „Birač“ trenira nekoliko puta sedmično. Ovaj fudbalski klub je i jedino utočište za djecu i mlade iz ovog malog mjesta, i za dječake i djevojčice.

Dejan kaže da su jedine aktivnosti koje ima tokom dana odlazak u školu, trening i igranje igrice.

U mjestu u kojem živi nema srednja škola, kino ili centar za mlade, pa on i njegovi vršnjaci slobodno vrijeme ne mogu kvalitetno provoditi i jedino što imaju je fudbalski klub. Za opstanak i funkcionisanje ovog kluba bori se nekolicina lokalnih entuzijasta, ljubitelja fudbala, bivših igrača. Nešto novca za odigravanje utakmica dobiju Fudbalskog saveza RS, a za sve ostalo snalaze se sami.

Kao dresovi nerijetko im posluže sponzorske majice koje dobiju od dobrih ljudi ili na nagradnim igrama, a njihov klub ima samo pionirsku i seniorsku selekciju. Kadetske selekcije nema, jer u ovom mjestu nema dovoljno mladih. Donedavno je bilo upitno i odigravanje utakmica jer nisu imali opremljene prostorije za igrače i sudije. U obnovi pomoćnog objekta koji je značio i nastavak odigravanja utakmica pomogao im je USAID-ov Program podrške marginaliziranim grupama, koji je dodijelio novac za obnovu. Obnova je značila opstanak, a opstanak radost za djecu, ne samo iz Dervente već i okolnih mjesta.

U FK „Birač“ fudbal igraju i radost zbog pobjeda dijele i dječaci i djevojčice, i stari i mladi. Svi oni žele samo jedno, igrati fudbal i održati klub, jedino mjesto susreta u Derventi - mjestu u kojem život iščekava.

U Derventi funkcionišu samo FK Birač i crkveni odbor – govore mještani kojima je svako odigravanje utakmice ovog fudbalskog kluba jedini razlog za okupljanje, druženje i uljepšavanje svakodnevnice.

Sretni su rukovodioci, ali i mladi iz ovog mjesta da su prostorije obnovljene i da je nastavljeno odigravanje utakmica. Sada imaju motiv da još napornije treniraju i budu bolji. Nestankom kluba nestao bi izvor života svih onih koji još nisu napustili ovo malo mjesto u kojem je iz godine u godinu sve manje djece u školskim klupama, radnih mjesta i životnih radosti.

No, nekolicina entuzijasta s početka priče ne odustaje od kluba. I dalje tragaju za načinima opstanka i napredovanjem jer žele održati osmijeh na licima mladih i život u malom mjestu. I dalje žele biti rasadnik talenata i pružiti priliku dječacima i mladićima da nauče igrati fudbal, a onda možda zaigrati i u većim klubovima. Pomoći im da ostvare snove, jer već ima onih koji su počeli sanjati u ovom klubu, a snove ostvarivali u većim klubovima. Mnogo je to za one koji se za klub bore, s ponosom ih sad gledaju na terenima drugih gradova i država.

Za sada su opstali, a kažu idu i dalje. Imaju neophodne prostorije, teren i mlade igrače pune želje i volje, a i za ostalo će se snaći, poručuju mještani koji za ovaj klub žive.